

彭澤縣志卷之十四

藝文三 詩

詩

咏彭澤諸篇

勸農

晉陶淵明

悠悠上古厥初生人傲然自足抱樸含真智巧既萌資待
靡因誰其贍之實賴哲人

哲人伊何詩爲后稷贍之伊何實曰播殖舜既躬耕禹亦
稼穡遠若周典八政始食

熙熙令音猗猗原陸卉木繁榮和風清穆紛紛士女趨時
競逐桑婦宵征農夫野宿



黃澤集記 卷之一
氣節易過和澤難久冀缺携儷沮溺結耦相彼賢達猶勤隴畝矧伊衆庶曳裾拱手

民生在勤勤則不匱宴安自逸歲暮奚冀擔石不儲饑寒交至顧爾儔列能不懷愧

孔耽道德樊須是鄙董樂琴書田園不履若能超然投迹高軌敢不歛衽敬讚德美

還舊居

陶淵明

疇昔家上京六載去還歸韓子蒼云淵明自庚子始作建威參軍由參軍爲彭澤令送棄官歸是歲乙巳故云六載今日始復來惻愴多所悲阡陌不移舊邑屋或時非履歷周故居鄰老罕復遺步步尋往迹有處特依依流幻百年中寒暑日相推常恐大化盡氣力不及衰撥

置且莫念一觴聊可揮

歸田園

陶淵明

少無適俗韻性本愛邱山誤落塵網中一去三十年羈鳥戀舊林池魚思故淵開荒南野際守拙歸園田方宅十餘畝草屋八九間榆柳蔭後園桃李羅堂前曖曖遠人村依依墟里烟狗吠深巷中雞鳴桑樹巔戶庭無塵雜虛室有餘閒久在樊籠裏復得返自然

題彭澤廬明府新樓

唐張祜

碧落新樓迥清池古樹間先賢盡爲宰空看縣南山

荆門送晝公歸彭澤舊居

齊己

彭澤舊居在匡廬翠疊前因思從楚寺便附入吳船岸繞

春殘樹江浮曉霧天應過虎溪社佇立想諸賢

憶別匡山寄彭澤乾書上人

憶別匡山日無端是遠遊却回看五老翻悔上孤舟
躑躅三千里蹉跎二十秋近來空寄夢時到虎溪頭

彭澤

汪遵

鶴愛孤松雲愛山宦情微祿免相關栽成五柳吟歸去漉
酒巾邊伴菊閑

舟次彭澤

李中

飄泛經彭澤扁舟思莫窮無人秋浪晚一片蓼花風鄉里
夢漸遠交親書未遙今宵見圓月難坐冷光中

奉命南使經彭澤

值王明府不在留此

徐鉉

遠使程途未一分離心常要醉醺醺那堪彭澤門前立黃
菊蕭疎不見君

過彭澤

宋王十朋

萬里歸舟巨浪間只將青眼對青山青山好處惟彭澤出
岫雲歸倦鳥還

彭澤阻風二十八韻

明劉基

風急雲飛江倒流請君聊且駐蘭舟浪翻彭蠡蛟螭橫雲
壓匡廬虎豹幽懷古漫尋元亮菊望鄉空倚仲宣樓五更
歸夢三千里一日迴腸九萬迴嘯侶山樓憐野鹿伴人水
宿感沙鷗中元都府神官會上界星辰積氣浮地軸西南
連少昊天關東北鎮陽侯兩峯對擁青螺髻孤月初生白

玉鈎龍甲冷欺獐蜃市蚌胎光奪睡龍眸春撞急杵濤驚
枕滴漉眞珠霰灑稠松樹掛崖眠復起老藤牽石墜還留
宮商調合靈鐘夕鉉鏢陵高峭壁秋繡被焚香寒悄悄金
環扣瑟夜悠悠竹枝寫恨傳巴女木客長吟答楚囚不寐
殘缸猶閃爍動情鳴櫓數啞嘔蒼梧鳳逐重華去赤水珠
無象罔求大宅高門荒町睡顏垣敗冢鬪鶴塵埃漠漠
城笳怨蘆荻蕭蕭戍鼓愁鬼火碧穿燈火出狼烟黃入燒
烟迥紫芝可茹林多嶙紅鯉堪罾澤有虬萬國鋤犁俱倒
戟入陵松柏讓戈矛哀哀野哭乾坤慘踽踽途行面目醜
永憶盧敖翔汗漫願隨慧遠學清修瑤臺青鳥歸何處宮
園琪華爛莫收滄海未容精衛塞蓬萊定許偓佺遊故園
梅甚相將發倚賴春陽慰白頭

過彭澤

周叙

我行過彭澤吊古心悠然寥寥千載上相繼惟二賢陶公
昔佩印八旬賦歸田易姓不復仕甲子以紀年狄公在當
時忤旨來左遷一朝復唐祚忠義白日懸二賢去世遠光
價照簡編豈無繼承者胡乃寂不傳吁嗟世之人才行眞
難全題詩懷往蹟事業當勉旃

解縉

青山圍一縣隱隱見人家亂石江邊出孤帆帶日斜翠添
官舍柳香泛驛樓花不見陶彭澤湓城起暮鴉

送於掌故可成宰彭澤

湯顯祖

香爐晴色映江關鹿洞花深講席閒望氣可能逢令尹折腰須是向人間經知彭澤天多水坐厭平昌月滿山向後登高一壺酒不知叢菊幾回班

宿彭澤

沈起

帆影收南岸江聲斷不流秋高彭蠡澤雁下荻蘆洲一水天無際千山月上頭墟烟人語雜鄉思倍悠悠

經彭澤

吳甘來

亦有東籬菊何人尚隱居夕陽催進艇殘夜擬焚魚物變看多異名高謗未除懷歸無長物猶有一牀書

過彭澤

何寬

壯矣古名邑南依江水濱一峯界吳楚萬頃濯星辰城掛

層阿日山圍老樹春褰裳聊問俗陶狄是何人

夏寅

稀疎官吏立沙迎一段青山二里城彭澤到今更幾令縣人開口說淵明

胡子祺

山郭蕭條楚水濱數家茅屋自爲隣梁公祠下斜陽暮陶令門前五柳春當日賦歸非爲酒此時懷古益沾巾千年惟有柴桑月曾照羲皇以上人

湖口登舟望見彭澤志喜

曾省吾

樓船東指海門灣遙望龍城控楚關浴日長波原九派擎天砥柱有孤山風雲自護朝宗地民物猶存漢晉間二百

餘年經故國可勝翹首一開顏

將出彭澤感懷寄任昆州葉江州二別駕兼示族人
憶昔邁天造真人起濠梁長鯨蕩彭蠡西征越潯陽我祖
從飛龍分隸忠武王江漢一以清移根託郢邦去日旣已
遠世懷梓與桑不圖荷休明陪京總臺章於焉棹洪波因
之覽舊疆舊疆佳山水古墓何淒涼幸有賢王人署邑仁
風揚貞心貫金石幽泉睹三光相逢吳中彥意氣殊激昂
詠歌出德聲此誼安可忘借問我宗族此來何所當人心
倘不減修先慎烝嘗

去彭澤

國朝
劉進

檢點扁舟緩整裝去來何必論行藏莫將世態爲交態應

識官場是戲場彭蠡江頭春未老長安道上日初長無錢
令尹君知否倒篋惟餘翰墨香

通邑贈有詩集名懷清錄

彭澤懷古

陳夢麟

山圍江上幾千家天衛金城壯虎牙照獄自存唐日月烘
籬猶是晉烟霞數朝市變無歸鶴萬古春深有落花名繼
前賢方不朽滿城簫鼓枉繁華

之任上高留別邑紳士

華西植

龍城森秀鬱蒼烟天矯凌空氣接天到處樓臺依翠壁千
家竹樹遶流泉民風淳朴衣冠古吏隱優游案牘開江上
最憐雲物好小姑鬢佩正清妍

寒梅衝雪到江頭金井雙梧欲報秋彈指半年成浪迹虛

讀清賦詩 後之十
五
糜五斗愧前修梁公祠下風雲壯元亮門前松菊幽僕僕
車塵又南去驪歌聲裏一遲留

彭澤縣

聶銑敏

汶邊遙隱屋西東內外城分一嶺中却羨淵明歸去好至
今地望屬陶公

雨中過彭澤

王文治

好山偏向雨中過侵曉推篷出碧蘿彭澤人家在雲霧小
姑宮殿鎮煙波峰當絕處疑鑿削景到佳時辨剎那元亮
若非嫌束帶此間少任意如何

留別彭澤

朱坦

六載瀟陽耐冷官樂城假令偶彈冠宦情恬沒言歸易衆

庶攀依話別難曾以催科煩里老重勞載酒餞江干抽帆
尙有淹留意夾岸春耕仔細看

龍城竹枝詞

李天英

清聲遠上海門關九派江流去不還兩岸人家春樹外縣
城斜對小孤山

諫草煨煨達帝居班班玉筍百年餘而今猶見流風在十
戶人家九讀書

銅鼓喧闐鶴皎騰鳳凰山上月初升採茶歌罷東風起吹
出鰲山太子燈

社壇分肉醉顏酡社酒沉沉社話多盡說去年好菜麥不
知今歲又如何

東林西舍任招呼各插腰鎌過小孤
相約明朝打草去趁他春水未平湖

家家新飼馬頭孃十五女兒學採桑
浴得土蠶抽繭重他年添作嫁衣裳

垂柳垂楊繞屋斜客來蒸菜味偏嘉
殘春若肯過寒舍更喫河豚煮荻芽

火前忙殺野人家姑摘粗枝婦摘芽
吩咐奶儂囊載去一升稻子一升茶

一路煙村布穀鳴家家打麥趁新晴
山南山北黃雲亂滿耳彭彭白白聲

官糧不欠是神仙大麥纔收又種棉
好在隣家新酒熟三

三五五疊猜拳

五月鱗魚不上竿網船鱗次白楊灘
北風一夜吹潮過先到琴堂獻宰官

臺閣兒童別樣新先期灑道更清塵
一聲簫鼓人如市知是城隍又出巡

木棉如雪滿江鄉一歲能儲兩歲糧
共道近來花價好明朝蘇客又開裝

蕎麥花開蟹正肥黃蘆江上漸飛飛
我儂好向方湖去捕得尖團糴米歸

大家臘八煮新粥黑豆鹽漿盛一盃
繞膝小兒啼索母先翁供過又先姑

狄公祠外白雲橫一樹茶花凋復生上已重陽兩時節如
何人不祭淵明

官橋數里柳花香煙雨茫茫綠萬行陶令歸來誰種得至
今猶念李公棠

咏陶狄諸篇

題陶靖節祠

唐 顏真卿

嗚呼陶淵明奕葉為晉臣自以公相後每懷宗國屯手持
山海經頭帶漉酒巾題詩庚子歲自謂羲皇人

宿舊治懷陶公

孟 郊

揚帆過彭澤舟人訝歎息不見種柳人霜風定寂歷

宿舊治懷陶令

宋 黃庭堅

潛魚願深渺淵明無由逃彭澤當此時沉冥一世豪司馬
寒如灰禮繁卯金刀歲晚以字行更始號元亮淒其望諸
葛骯髒猶漢相時無益州牧指揮用諸將平生立朝心歲
月閱江浪空餘詩語工落筆九天上向來非無人此友獨
可尚屬子剛制酒無用酌杯盞欲招千載魂斯文或宜當

朱 熹

子生千載後尚友千載前每尋高士傳獨歎淵明賢及此
逢醉石謂言公所眠况履巖壑古縹緲藏風烟仰看喬木
陰俯聽橫飛泉景物自清絕優游可忘年結廬倚芬峭舉
觴酌潺湲臨風一長嘯亂以歸來篇

王十朋

瀟灑風姿太絕塵，寓形宇內任天真。絃歌只用八十日，便作田園歸去人。

出守江湖日念還，又扶衰病入巴山。不能早遂歸田計，愧過淵明五柳灣。

陶淵明祠

謝幼槃

淵明歸去潯陽曲，藜杖蒲鞋巾一幅。陰陰老樹嘖黃鸝，艷艷東籬綻霜菊。菊世紛無盡，過眼空生事。不豐隨意足，廟堂之姿老蓬蓽。環堵蕭條僅容膝，大兒頑鈍懶詩書。小兒嬌痴愛梨栗，老妻日暮荷鋤歸。欣然一笑共蝸室，我詩未遣愁肝腎。醉裏呼童供紙筆，時時得句輒寫之。五言平淡用一律，田家酒熟夜打門。頭上自有漉酒巾，老農時問桑麻。

長提壺挈榼來相親，一樽徑醉北窗下。蕭然自謂羲皇人，此公間道窮亦樂。容貌不枯似丹渥，儒林紛紛隨濶濁。山林高義久寂寞，假令九原今可作。舉公盃輿也不惡。

題陶淵明歸去來圖

金王虛若

拋却微官百自由，應無一字掛心頭。銷憂更藉琴書力，借問先生有底憂。

名利醉心濃似酒，貪夫袞袞死紅塵。折腰不樂翻然去，此老猶爲千載人。

淵明祠

劉迎

筆頭奇處發天藏，事遠懷人涕泗滂。餘子風流空魏晉，上人談笑自羲皇。折腰五斗幾錢直，去國十年三徑荒。安得

一堂重寫照爲公挂酒瀉蕉黃

元劉因

淵明豪氣昔未除翺翔八表凌天衢歸來荒徑手自鋤草
中恐生劉寄奴中年欲與夷皓俱晚節樂地歸唐虞手中
磊落一物無停雲懷人早所圖有酒今與龐通沾眼中之
人不可呼哀歌撫卷聲嗚嗚

五柳堂

吳澄

此非元亮幽棲處而喜亦無車馬喧澍雨一時蘇鬱熱流
風千載挾清寒祗田舊治民猶昨柳岸新亭客避煩江面
波神應冷笑曾聞容膝可偷安

趙孟頫

淵明求合本非情解印歸來去就輕稚子迎門松菊在半
壺濁酒慰平生

淵明祠

揭傒斯

家貧無酒飲聊欲試絃歌去家百餘里邈若異山河江山
日多風浩浩水增波門前五柳樹繁陰空婆娑秋田已收
成歸計當如何

貢甫泰

竹杖芒鞋白鹿裘山中甲子自春秋呼童檢點門前柳莫
遣飛花過石頭

彭元亮

醉倚滄江看落花阿誰扶上短轆車山河萬里皆劉裕五

彭澤縣志 卷之十四
柳春風自一家

顧濟

無錢猶愛菊有酒卽橫琴萬古醉不了一名聞到今徑松
存老節門柳積秋陰人誦歸來賦誰傳歸去心

鄧善之

詩中甲子春秋筆籬下黃花雨露枝便向斜川頻載酒風
光不似羲熙時

祿願

黃閣彤屏盡宋臣歸來松菊伴閑身舉頭誰識悠然意只
有南山是故人

謝應芳

晉室之危一木詎支我思口人孤竹夷齊彼薇西山我菊
東籬薄言采之可以樂餓秋日淒淒卉木具腓匪菊之芳
吾將曷歸

張以寧

五柳門前秋葉衰南山佳氣滿東籬白衣人到黃花外正
是先生望酒時

明劉基

江左昔潰亂桓盧遞相尋劉裕起寒微長驅掃氛祲秋草
雖未枯霜雪已駸駸陶公節義士素食豈其心我才非管
葛誰能起沉淪所以歌去來歸臥五柳陰悠悠多感激悵
悵寄謳吟哲人貴知幾芳名留至今臨祠三歎息懷古一

何深

楊士奇

悄悄厭行役飄飄賦歸休開軒面南山黃花亦映秋酒熟
自可漉白社吾何求

于謙

杖履逍遙五柳傍一辭獨擅晉文章黃花本是無情物也
共先生晚節香

邱濬

桓公事業舊山河觸目傷心可柰何籬下菊花門外柳時
時相對醉吟哦

宿舊治懷陶令

陶安

昨自荆蠻來扁舟泊彭澤我思靖節翁名利輕一葉蚤賦
歸來篇秋菊有佳色悠悠千載間高風景先哲

淵明祠

袁洪

彭澤雨晴秋草碧泥沙不洗籬根石夜深涼月滿江南照
見寒花淡無色先生已往將柰何傲睨獨受風霜多白衣
有期待不至清尊空負重陽過臨祠一見傷晚節凜凜丰
姿誰敢褻有祿不爲縣令淹有腰不爲督郵折吁嗟此心
鐵石貞元悟暗與幽人盟安得移居傍其下餐英飲水延
遐齡

潘耒

灑落義皇上世人卻將名利等浮雲一時去就非無意兩

晉文章獨有君流水涓涓農事急柴桑寂寂世情分華軒
此日瞻遺像總道孤高不可羣

余福

彭澤歸來只隱居閑情不復慕徵書英雄事蹟無遺土處
士烟霞有故廬芳徑蒼松驚夜鶴柴門疎柳駐輪車我來
默愛悠然趣仰沐餘光三嘆餘

何陽

一片璠璣絕點瑕豈因五斗困風沙悠然歸去南山下還
把閑情付菊花

蘇秉衡

白日忽見匿浮雲結幽陰薄宦豈初志歸與遂吾心池魚
復深淵籠鳥返故林褰衣適邱隴荆杞日已深彼美東籬
花不受霜霰侵掇英樂真賞南山對孤吟

羅叔昭

典午山河已半墟先生解組賦歸與柴門寂寂黃花滿案
上香醪架上書

傅榮

瞻仰南山意獨深託渠徵事笑投簪若非朱子春秋筆千
載誰能識此心

北窗清夢午初醒斗粟床頭未滿瓶何事先生早歸去豆
苗荒落草青青

戴鳳翔

望中烟雨正霏微羣鶴冲霄引艦飛漢水巴山千里隔含
鄱五老萬峯圍葛巾漉酒情何在斗米垂腰事已非試向
柴桑覓遺跡只今黃菊尚依依

題淵明像

高巽志

玉山頽矣葛巾偏老僕扶持步不前莫道先生渾不醒醉
中猶記義熙年

陶淵明祠

許纓

三徑黃花酒一瓢清風高節孰能超居官未久休官去只
爲當年懶折腰

時季照

束帶無心見督郵歸來醉臥菊花秋幾同宦轍經彭澤却

憶先生愧白頭

顧祿

我思彭澤翁旣仕復中止偶賦歸來篇解印就田里晉恩
詎能忘宋聘終不起所以義熙後紀年惟甲子菊以持晚
節秫以供酒醴誰云折腰懶所托有深旨美哉處士書紫
陽乃知己噲噲莽大夫泉下當愧死

周縉

祿在他人道在身肯將名節喪風塵歸來三徑秋風裏還
與黃花作主人

張璉

脫却樊籠返故山黃花小徑有餘閒當時誤入劉家網安

得清風滿世間

丁與忠

細柳長堤烟雨輕
市橋今古說淵明
柴桑百里棠陰在
依舊春風滿赤城

何寬

陶令今千載
風流尚在茲
江山標勁節
松柏老芳祠
避世惟三徑
逃名只一卮
南朝留處士
心有紫陽知

張一貫

出岫無心似白雲
輕將綬解遂初盟
寧因松菊求人伴
却許田園得我耕
尊酒何曾關世事
籃輿到處愛山行
至今晉代誰同調
柳自依依風自清

題五柳園

李至清

淒慘江城柳萬條
沒烟疎雨夜蕭蕭
輕柔不似先生節
逢著東風便折腰

舟泊彭澤有懷陶靖節先生

朱煥國

孤雲天際捲片棹
落帆斜鳥下日將夕
湖平浪不花
縣名仍典午
山色又元嘉
爲吊陶徵士
村酤帶月賒

雨泊彭澤有懷陶公

王士正

陶公令彭澤
柴桑一舍耳
猶對匡廬山
共飲西江水
一朝悟
昨非扁舟歸
栗里笑指故山雲
吾心正如此
我來彭澤縣
秫田沒沙嘴
急雨送寒潮
三歎顏延誅

讀陶淵明歸去來辭有感

柯在豐

卓哉彭澤令晉代一名賢不爲五斗米折腰督郵前辭賦
歸去來解組歸原田帶月自荷鋤柴桑畝畝邊卜居南山
側良友相盤旋奇文賞佳句疑義析遺篇理亂總不知爵
位忘陞遷但聞樽有酒醉臥足延年策杖遠宅行五柳翠
生烟時倚松玩鶴時坐石聽泉時於陸學道時於慧問禪
籬邊自種菊隱逸花鮮妍手下愛撫琴得意在無絃胸中
沒世味知命長樂天

狄公祠

宋趙抃

賢正屯蒙日陰邪會用時人從萬死過誰爲一言危毒意
同天后忠誠薦東之復唐三百載留得枕江祠

狄梁公祠

王十朋

武火方安李欲友忠良何力可能回斗南人有擎天柱爲
向虞淵取日來

楊果

牝雞聲裏紫宸寒神器都歸竊弄間一語喚回鸚鵡夢九
霄奪得鳳雛還荒祠寂寞臨官道清節孤高重泰山爲問
模稜蘇相國當時相見有何顏

狄文惠公新廟

元危素

大江從西來萬里流湯湯維唐社稷臣勳業載旂常天子
在房陵女后御明堂晨興牝雞鳴腥聞盜穹蒼倚公秉忠
義耿耿立廟廊周旋極屢勉論義忽慷慨載御卷冕歸宗
社赫有光豈徒保國祚嘗欲扶天常雲孫江州牧思聖宮

廟為丞嘗豆籩孔嚴潔絲石載鏗鏘再拜久屏息低回想
忠良作歌勸臣子百代馨遺芳

狄梁公祠

明 費 案

當年籌策費紆縈萬古故 坤寄此情北斗以南聲價重此
身之後享功成漁樵歸晚 林光杳秋雨晴時月色清試問
祠堂何處是青山十里暮鐘聲

朱公節

古廟陰森草樹秋四山遺愛屬君侯縱囚誰識孤臣意獨
稅空懷此日憂撫景共誌 黃菊酒登高重上白雲樓老僧
指點渾多事到處溪山起暮愁

何文魁

回天有力決神機扶得前星上太微百里無慚孤鳳翥九
霄還夾五龍飛籠中有藥終醫國門外栽花不為私却嘆
房陵厭春色落花香襲亂人衣

許 纓

輔國功昭青史上思親心向白雲邊古來賢相知多少忠
孝惟公得兩全

林 俊

齊明躬祭夕孤蹇話當時鬼作神姦覩身隨國步危綱常
萬死外宗社一匡之老柏蒼藤晚英風萬古祠

夏 寅

奪忠蒙恥事堪嗟寧似陳平媚呂媯乳虎滿朝龍在野北

雞臨老鳳還家參苓籠篋回陽物桃李門栽向日花可恨
五王初復辟不將諸武制機牙

白雲樓

李整

白雲樓上白雲搖五柳村中五柳凋只有野僧來擊鼓更
聞官府革征徭東西壞壁交風雨鄭衛新聲亂市朝別有
天廚庖鳳脯休緣蕭艾雜脂膏

歐一敬

得辭青瑣賦歸來臨眺何心上碧臺只有君親醅未了日
光雲影共徘徊

過白雲樓有感

王心約

向聞此地白雲樓樓圮臺空日影浮鴉噪寒烟幾冷樹鶯
啼衰草一荒邱當年文惠思親遠今日遊人吊古愁我欲
太行尋舊址雲山疊疊水悠悠

望雲亭二首

陳嘉謨

一老獨望雲五龍竟取日公於君親際側無改無匹
白雲望不極重上白雲亭亭下九江水茫茫鷗鷺盟

葉春

會向山頭望白雲此情便是定儲勳如今彭澤山中廟血
食原來只爲君

陶狄祠

宋王安石

梁公壯節就夔臈陶令終身託酒徒政在房陵成底事年
書甲子亦何須江山彭澤空遺像歲月柴桑失故區歿後

此風猶不競詩翁嘆息未應無

懷陶元亮

黃庭堅

馬當一曲孤烟人物於今渺然不見繞籬黃菊誰收種秫
圭田

懷狄仁傑

鯨波橫流砥柱虎口活咽宗臣小屈絃歌百里不誣天下
歸仁

陶狄祠

邵寶

歲時江郡薦江蘋異代衣冠畧近真九死竟還唐社稷一
生誰識晉君臣菊松尙擬他年晚桃李聊增此地春莫道
近來公論少廟門題額是何人

陳崇

呼盧人起解乾綱太白經天女主昌陶令歸來終却宋狄
公用後復還唐菊松逕裏娛三益桃李門中拜五王廟貌
此間同祀典山川千古有餘光

潘陸

山郭倚江邊寥寥幾爨烟無時休驛騎昨日過兵船地借
陶潛著人思狄相賢何堪尋廢縣沙草浸寒泉

國朝

吳會川

居官未久賦歸休採菊東籬酒一甌晉代衣冠存勁節先
生姓字至今留

忠安社稷力回天相業如公更孰賢一柱能擎唐九鼎自

應廟食饗千年

三賢祠

黃雲師

彝庚翳榛棘英風久云緬史傳紛相躡沒蕩孤懷遣邈哉
粟里人飲酒此沈酒在官八十日雲霄終自卷梁公夾日
功神龍雜鯁鱗側身牝朝聞獨力支巽幘文節貫秋旻人
倫有冠冕捐軀庸足異庶辭面目覩上下千餘年棠陰此
勿剪華嶽迥三峯天際望猶喘俯仰余何爲將以勵鴛窠

國朝

質重光

靖節先生是晉人後來狄趙事同倫經時祠廟空留碣異
代衣冠實有神奉使西來初繫馬憑高北望一沾巾山城
影入長江水誰問荒涼俎豆新

時乘機

零陵墓下草芊芊歲晏愁余述酒篇博浪報韓事已矣那

堪回首弔前賢

陶靖節

水滿宮城女主狂武媚歌散圍陵荒

英雄至死安社稷猶把丹心付五王

狄文惠

扼守長江力不

支池陽烽火燎旌旗金輿玉輦無消息留取人間雙節奇

趙忠毅

過三賢祠

何圖書

三令祠前芳草新街傍笑指語陳陳只今江上瞻鸚鵡不
懼先鳴又幾人

咏八景諸篇

讀書巖

宋葉適

彭澤西山天秘惜淵明未敢發幽緘始從石尉兼王尉洗
出前巖到後巖也只暫時供步履可能經老卸朝衫應須
却誦歸來句重把家園草日芟

六角亭

元吳澄

怪石崢嶸可十尋
劃開巖洞更幽深
隱仙書響烟霞散
太史字痕風雨侵
舊迹一朝成
偉觀新亭六角面
窮林孝廉作此千年計
淨洗人間塵土心

登讀書巖石閣

孫舉海

耽山已成癖
著屐亦攀躋
雨過嵐光潤
風歸樹影低
蒼崖懸綠宇
丹竈覆青藜
天外雙鴻度
依依入望迷

讀書巖

戴鳳翔

六經對越古今天
芸藥香中拂紫烟
甕牖有聲欣自得
苔階交翠樂無邊
一塵不許牙籤染
萬卷皆存玉軸鮮
每奮茶連能膽志
下帷巖若仕優軒

馮希武

石氏膏梁屬道腴
仕優猶不廢三餘
牛刀才試彭城治
從政原來在讀書

書巖擁翠

國朝槽道人然道八

泮宮還繞鳳凰窩
夢裏如遊今實過
聖澤江河流處永
春風杖履客中多
層巒屈曲蟠龍窟
疊嶂參差涌翠峨
始信歷來賢宦跡
湖山佳氣護陽和

次槽然韻

王廷藩

鳳凰山下鳳棲窩聞說涪翁此地過字勒磨厓蒼蘚蝕境
移講座白雲多宮牆繚繞遊空返石壁巉巖望轉峨師載
刀圭探勝蹟鸞聲半嶺認公和

書巖擁翠

柯讀

峭立書巖翠欲流是誰披對愛潛修花含錦繡光生石鳥
奏笙簧韻滿樓兀坐已忘何甲子沉思不計幾春秋名賢
題詠微常在風雨摩挲墨翰浮

登讀書巖石閣

侯子助

怪石參差立尋門曲徑躋雲深棲樹穩江闊落帆低山鳥
逢人語松花傍竹藜欲窮千里外極目萬家迷

讀書巖懷古

吟方

支策來千里依鄰卽卜君讀書人不見踵菊事猶聞山色
青歸樹烟花榻臥雲登亭頻一望落葉正紛紛

饒鞏

誰作讀書屋置此蒼崖前至今數百載空洞鎖寒烟我來
吊遺躅徘徊榛莽邊雖有舊題在剝蝕體弗全何爲生仰
止欽若日月懸撫柏思文惠攀柳憶陶潛匪物能不朽流
芳在名賢

冬日遊讀書巖次李約菴韻

何瑾

一縣石堆成書巖更清挺礪砢狀熊羆突怒天馬影鬼斧
鑿神功劈破雲窩境幽人嘯山阿鬱鬱懷抱騁捫蘿緣絕
壁王孫路亦梗俯眺豁心胃失足爲吾警箕踞坐虎豹塵

帝亦趨迥錯愕飛來峰縹緲靈鷲嶺緬懷蛻骨仙乘雲控
鶴頸霜侵古柏寒雪壓長松冷剝蘚不龜茲振衣凌絕頂

潛玉洞

明馮希哲

靈谷產璠璣烟霞別一區韜光迷世遠藏器待時沽冰雪
堪同操風塵不受汚願歸良匠手製獻作瓊琚

戴鳳翔

虛白無瑕覆地圓靜中疑自有神仙水晶宮映紅塵遠雲
母屏涵素月懸影入梨雲春似海香浮梅谷暖如烟高人
風致清如許歷遍雕闌不記眠

傅榮

石角鈎衣半紫苔山深不許俗人來一聲鐵笛知何處滿

樹碧桃春自開

凌杞

洞中萬玉瑩無瑕洞口春風幾樹花却歎如今風景別半
藏瓦礫半烟霞

何陽

洞中萬怪玉玲瓏上與桃源一路通石尉不來誰是主野
花啼鳥領東風

仁磯釣臺

國朝梁清標

寒雨江村晚山扉向翠微磴盤僧徑曲烟雨水禽飛青嶂
臨窗小黃魚入饌肥風塵客已倦吾欲訪魚磯

仁磯釣月

王心約

兩岸蘆花遍地秋一輪明月照孤舟魚寒不餌空垂釣拋却長竿上酒樓

周易象

一片江千石清風釣者臺不貪魚自去相愛月常來茶竈筆牀事蘆花箬笠懷伊人如可卽溪水只潑澗

觀閣流霞

宋蘇軾

巖上觀音巖下湖灑如南海舊規模庭前翠竹千竿有門外紅塵半點無水繞三江同楚地勢連五老共洪都夜來一片無私月照見摩尼頂上珠

觀音山

明戴鳳翔

大士深居景色幽飛橋澗底湛寒流鬼神穿鑿碧空陰風雨噓飄翠靄浮洞口有苔春寂寂竈前燒藥思悠悠欲知占斷南高趣香細松濤總自由

殷 嘒

偶尋蘭谷際晴明雪滿梨梢柳鞞青過雨鉢龍乘水躍當牕山鳥向人鳴光含寶殿金蘭燦氣靄磁餅瑞草馨喜共參禪忘俗慮巖前徙倚聽泉聲

謝 英

巖畔烟嵐翠欲流嗟峨渾似普陀幽下臨彭浪纜三里高出孤峯定一頭香篆繞壇迷晝夜松濤響壑自春秋老僧出定無餘事自起鉤簾看白鷗

楊季芳

本來無事却成忙
屐屨捫蘿到上方
酒滿柳杯竹葉羹
詩留僧壁墨花香
雁拖雲影寒生
翻潮捲江聲
夜滅床五柳
江山頻望眺
謾嫌風葉響長廊

宗臣

一上孤峯眺太荒
吳山楚水共蒼茫
雲間棟宇垂天渚
江上鼉吹石梁絕
壁畫開風雨色
斷崖秋挂薜蘿長
吾將從此尋瑤草
黃鶴翩翩歸帝鄉

宗元泰

磴閣凌空起江城
礙日斜孤峰青
插筍遠浪白
飛花鳥語喧
晴柳鷗搏戀
暖沙山僧閒
洗鉢水面
天明霞

國朝

侯于助

壁削芙蓉青
一山懸崖題石宋
時閒登臨尋到雲中殿
指顧平開愁裏顏
不盡雄風來
睥睨無邊春色入
潺湲同人猶有扶筇興
曲徑藤蘿次第攀

潘瀚

上方鐘磬下方僧
削壁蜂房綴幾層
磴級盤螺分子細
石巒蹲虎看模稜
江山勝蹟茲寧數
邱壑深情我未能
但使幽懷聊可暢
涪翁猶爲一扶藤

劉曉

江光開戶牖
柳色一山深
怪石留人語
清風披我襟
翠流蒼際碧
苔點佛頭金
到處成佳趣
時聞空外音

周易象

梵閣依山峙霞從天半生四圍儘寥闊五色自分明馬渡
飲虹水人歸落照城晴光看不厭願化雨滋耕

朱勳孕

巖巖怪石枕霞流艷徹孤峯幾樹秋積翠應餘霄壁晚含
情翻與夜光浮半軒古寺經霜老一榻微禪和月幽此日
登臨應有意邀觀宇宙一扁舟

喻方轂

停棹上層崖高閣凌虛架鑿址依石壁巖巖險欲卸置身
直千尋倚橋接莫暇柳色夾岸青長江麓底瀉洶涌怒濤
間突起孤峯跨轉睫夕陽開流霞影相射山水幻何窮天
際想俱化栖栖一枝來於茲聊息駕

可觀樓壁間韻

汪鑑淑

一山抱郭枕長江中起崑嶺四際降花雨不時飄梵宇松
風終日透禪窗殘林瓦雀深藏舌古木鳴蟬暗奏腔最愛
孤峯當一面依依如醉杜家缸
層層樓閣倚山江一洗塵氛俗慮降石鏡光分斜到案孤
峰翠積正當窗寒禽叫破三更夢清磬聲敲五內腔悟得
本來真面目菩提座上有仙缸

登彭澤元武崖

魏際瑞

元武崖前瞰白湖大山橫絕小山孤千帆直挂天風水三
國平分江楚吳日下東南聞戰伐望中烟火識樵蘇登臨
目極愁無極飛鳥斜陽半綠蕪

柳洲書院和歐陽可堂掌教韻

知縣 沈大綬

百尺亭亭矗古桐，新陰桃李在門中。宅環楊柳盈盈水，軒
傲湖山面面風。書卷琳瑯堆几案，詩聲金石響簾櫳。葭蒼
露白伊人近，載酒還來伴醉翁。

柳洲卽景八首之四

醇醪半醉日西斜，移駐尊罍伴砌花。露坐酒杯天影入，風
清香思發奇葩。

寂寞疎林掛落暉，雲端覩日射漁磯。荻洲數點浮波綠，時
見棲鷗暖喋飛。

屋角披襟暑氣清，蘸波枯柳臥還傾。俗囂遠却聞天籟，不
是風聲卽水聲。

水氣昏昏向晚濛，遠山依約列屏風。小姑入眼如窺客，霧
髻烟鬟杳靄中。

雙峯尖

劉 曉

芙蓉千仞破天荒，雲際招呼五老行。一氣橫霄空夜月，雙
峰出水映朝陽。僧隨竹影懸崖半，石亦流泉供佛堂。鐘鼓
數聲松外落，萬村燈火共翱翔。

雙峯積雪

周易彖

看山宜雪裏，尤好是雙峯。冰作嵒岫骨，玉爲浚雅容。人家
都在樹，僧寺但聞鐘。三尺江南白，歡歌豈獨儂。

雙峯庵

歐懋泗

石磴逶迤一徑深，雙峯庵景豁人心。閒雲每日棲盤谷，佳

鳥有時學梵音月上松梢侵古刹風來竹葉繞禪林寺前
隱隱誰相對妙有孤山覲面森

集福庵秋夜

宗元泰

修竹空山秋夜長飛來空翠濕衣裳月窺定水魂先冷烟
着眠雲夢亦香茗熟自宜泉味淡僧閒若爲客情忙翻騰
貝葉清無寐隔水啼猿不厭狂

訪僧

劉堂

雙峯精舍郭之東放曠宜尋老衲同石磴迴行人境外泉
聲遙在玉琴中逃禪豈效參禪語入世應知出世空也得
浮生閒半日何如蓮社舊家風

探梅

吳文煥

方丈尋幽到嶺時馬肥韉軟與春宜松風竹樹三千影玉
骨冰肌一兩枝有興不殊東閣意無懷誰作隴頭思經過
爲問花消息香氣濃催酒後詩

暮春贈僧意文

吳會川

千巖疊翠擁禪扉竹色松陰正滿衣四座天風隨口散一
簾花影帶雲飛山空不復知春夏性定何須問是非悟到
無絃琴可碎高僧俗吏悉忘機

計問義

修竹千竿擁剝幽玉泉聲散滿經樓出雲雙岫輕籠樹映
水孤峯暗繫舟鶴唳常陪鐘鼓遠錫飛時引月霞留相看
不厭情何似宛入朝川畫裏遊

丁春

寺在青霄第幾重，門深長被白雲封。林中時嘯生風虎潭底，應歸帶雨龍。繞屋無牆多種竹，度橋有路更栽松。却因翠色交加處，遮斷中流第一峯。

冒雪登眺

歐陽恭

半天風雪半天晴，含翠千山矗玉屏。沸沸松濤瀉曲澗，珊珊竹韻夏新亭。雖無瘦骨梅花白，却有凌雲寶樹青。遠挹匡廬分秀色，芙蓉削出兩峯明。

寶樹

歐陽正亨

寶樹青蔥不計年，呼松呼柏亦天然。拏雲濯霧楨王國，不是雙峯一味禪。

凌汝綿

爲愛雙峯寶樹孤，亭亭翠蓋護僧居。謝林選遍誰相似，可是西天種也無。

眺雙峯尖

王榛

頓覺羣山小，危巒近碧天。斜陽依壁沒，古寺抱雲眠。野鳥棲林際，飛泉落木顛。何如謀一室，世外一參禪。

小孤山

唐盧仝

風捲魚龍暗楚關，白波沉却海門山。鵬搏鰲背且快性地，折天開總是閒。

後梁釋定法

高麗人

迴石直生空平湖，四望通巖根。恒灑浪樹杪，正搖風偃流。

還漬影侵霞更上紅獨拔羣峯外孤立白雲中

宋 蔡 齊

危峯屹立長江上勢折華胥限百蠻鰲背孤撐青玉柱斗
杓斜插翠雲鬢月生西海初三夜潮到東吳第一關安得
扁舟多載酒放歌擊棹浪花間

劉 敞

驚波觸南崖反怒射北壁蒼山與相排所謂小孤石蟠根
萬仞淵聳角百丈碧祠堂豁精嚴行旅進粉澤或云婦女
神盼蠻頗有格吾知定名意似欲旌介特流俗失其真傳
聞莫開釋居人私其利禍福妄損益競為媚如說以誣聰
明德先王撫山川禮典有廟食奈何媚於寵屈已忘正直

吾欲為小孤作書解行客復恐不見從嗟哉世多惑

王安石

小孤未嫁與蘭支何限流傳樂府詩欲學水仙騎赤鯉意
尋山鬼從文狸續紛雲影空棠楫綽約烟鬟獨桂旗弄玉
有祠終或往飛瓊無夢故難知

題李思訓長江絕島圖

蘇 軾

山蒼蒼水茫茫大孤小孤江中央奔騰路絕猿鳥去惟有
喬木江天長客舟何處來棹歌中流聲抑揚沙平風輒望
不到孤山久與船低昂我羨兩烟鬟曉鏡開新粧舟中估
客莫亂狂小姑前年嫁彭郎

觀小孤圖

陸 游

江平風不生鏡面渺千里軻義萬斛舟遠望一點耳大孤
湖中央四面峭插水小孤特奇麗丹翠凌雲起重樓邃殿
神之家帳中美人粲如花遊人徙傍闌干處俊鶻橫飛東
北去

小孤山

謝枋得

人言此是海門關海眼無涯駭衆觀天地偶然留砥柱江
山有此障狂瀾堅如勇士敵場立危似孤臣末世難明日
登峰須造極渺觀宇宙我心寬

元揭傒斯

積雨西南下朝宗第一門憂勞思舜禹疏鑿正乾坤地東
千帆側天扶一柱尊蛟龍深窟宅穩睡莫翻騰

重遊小孤山

小孤山前一回盼蒼然如鐵孤山面隔江疊嶂開翠屏絕
壁浮雲飄素練憶昔初蒙翰林聘艤舟尋奇不知倦捫蘿
陟級至絕頂目極神開氣爲變大江東匯彭蠡來晝夜崩
騰奔海甸笳鼓遙聞日月動帆檣忽度乾坤眩舟人不識
造化奇且晨每趨南風便早悟微官七載縛底用區區厭
貧賤深牕合壁守編摩何異揚雄困雕篆重來勝地歲月
暮短景催人疾如箭天昏一火明半山石底猶疑有飛電
澎浪磯下寒泉湧坐客正說龍君傳人生可喜還可憐世
事堪遠不堪戀明朝匡廬復入眼雖有此景何由羨武城
先生獨官好名山每恨遊難遍豐城客子無一錢但當作

詩乞如願

吳澄

序云延祐五年秋與伯生修撰憩彭澤水驛值江州推官畢侯來諗因植舟登孤山有彭簿劉尉同遊因賦五十六字

三十年前東下時開篷曾賦小孤詩風濤如許相衝激天杵迄今無改移長願江流平似鏡坐看舟客去如馳悠悠此日登臨意付與潯陽循吏知

小孤山

傅若金

船度江春暮色青半江楓影動寒星海風忽起元珠樹山月遙生綠玉屏

過小孤

楊載

日落霞明錦浪翻崖傾壁峭白雲開乾坤上下推孤柱吳蜀東南壯此關神物夜移風動地仙舟曉渡月漫山回瞻絕嶺登臨處空翠溟濛杳靄閒

小孤山

王廓

江上青山一劍孤氣虹夜貫斗牛墟寒藤古祠神所居謾說彭郎近小孤俚語不經聽者愚舉世孰與明其誣山下長江通蜀吳飛廉怒鎖千舳艫乾坤變色慘不舒楫摧纜絕愁萬夫初疑破虜遇老狐又訝伏波留賈胡陽侯負弩雄前驅沔陽擊鼓巖後車六鰲掣杓軒蓬壺八駿按轡鞭龍魚神靈怪駭千萬殊縱有健筆難窮書一官長沙賦歸

與三年臥病南陽廬故交新貴一字無扁舟夢膾松江鱸
行或使之不可虞呼童取酒聊自娛短歌激烈驚樵漁掀
髯一笑誰和予隣商去住依祝巫盤餐拜祠檣上烏百千
之利衆所趨浪走不待晨雞呼進銳退速中乘除未要冒
險爭前途江山正自不我疎我亦樂與江山俱安得匹素
百尺餘他年寫我東遊圖

歐應雨

小孤正在水中央薜荔爲衣蘭佩香翡翠翼青霞光宛
其螭首蛾眉長紫金芙蓉出綠波白玉鏡臺開青螺涉江
浩蕩興無極臨風窈窕揚清歌大姑阿姨寄傳語相望烟
波奈何許日暖江南滿白蘋金釵徧地清風起

駢師小孤

明太祖

龍輿鳳駕出京都百萬雄兵駢小孤千林紅葉片時掃萬
里江山一夜枯蕩蕩乾坤歸聖主明明日月照皇圖梅花
豫報春消息瑞氣紛紛何處無

劉基

峽束千雷怒擊撞危峰屹立壓驚瀧山聯廬霍朝三楚水
落荆揚限九江鎮海重關爲第一擎天孤柱故無雙珮環
夜月知何處露濕蓬萊玉女牕

小孤山

解縉

兩崖相夾石爲門萬水東流去不奔拔地一峰形自險擎
天獨柱勢尤尊魚龍並躍春初暖風雨來時晝易昏想見

當年神禹鑿奇功千古至今存

過小孤山

胡儼

一柱中天起扁舟雙櫓鳴月籠山影靜風帖浪紋平蕩漾
星河動淩迷烟霧橫更闌過彭澤問驛是龍城

重遊小孤

楊溥

誰鑿闌江石成功大禹先百川同赴海一柱獨擎天月出
潛蛟舞風來過鳥旋重遊任夷險但見雪盈巔

小孤山

李東陽

山當極浦峰全峻江到寒磯勢却迴獨立木門風不斷片
帆揮手謝高臺

黃翰

長江東去浪如奔消長無窮信有源山關兩門行日月天
留一柱鎮乾坤氣凌鴻鵠遙知避影落魚龍莫敢吞相對
彭郎青不改千秋萬古自黃昏

吾受命就封於湖之安陸舟經彭澤小孤山下駐覽
茲山秀拔江流中障水拱日形勢甲他山

興獻帝

鴻蒙奠羣山融結各異象靈秀鍾小孤屹立長江上寒光
溜碧虛峻勢臨厚壤松掛紫龍髯石垂元虎掌巉巖迴天
造瑩拔肅人仰匪直秉嚴凝時亦開濶朗專精拱朝暎曜
水光宿莽亭亭豁真奇俾我凌遐想想望凜眉髮安能一
躋往緬懷樂山者於焉獨心賞賞彼棲白雲馳思中養漾

賞彼至甘霖澤此疲民廣

王守仁

人言小孤殊阻絕從來可望不可攀上有巔崖勢欲墮下
有劍石交巉頑峽風閃壁船難進洪濤怒撞蛟龍關帆檣
促縮不敢越往往退次依前山崖傍沙岸日東徙忽成巨
浸通西灣帝心似憫舟楫苦神斧夜劈無痕斑風雷歎翕
見光怪人謀豈得容其間我來銳意欲一往小舟微服沿
迴瀾側身悚息仰天竇懸空絕棧蛛絲慳風吹卯酒眼花
落凍滑舟楫足力屨青蠶吹雨出仍沒白鳥避客去復還
峰頭四顧盡日落宛然風景如瀛寰烟霞未覺三山遠塵
土聊乘半日問奇觀江海誰爲險世情平地尤多難

王守仁

看盡東南百二峰小孤江上是真龍攀龍我欲乘風去高
躡層霄絕世踪

丁湛

孤峰千仞勢嶙峋石磴攀躋翠靄分一路濤聲長帶雨半
窗嵐氣總成雲參差梵閣依巖起斷續漁歌隔岸聞莫謂
芙蓉初拂水江天獨立孰如君

夏寅

海門東去大江橫秋滿乾坤萬籟鳴七十二峰青未斷小
孤山下看雲生

陳愷

巖棹登臨絕頂遊江山滿目思悠悠紫芝雨後色偏秀黃
鳥風前聲正柔獨砥狂瀾歸楚鎮敢當大造控中流孤高
下瞰羣山小占斷江南第一州

王紱

不到孤山今十年望中風景尙依然廬山金削遙天外漢
水綠浮飛鳥前祠下女巫鳴賽鼓沙頭津吏候官船登臨
重覽舊題處崖石年深蘿薜牽

尹淳

轟轟孤根擁翠臺宦遊涉此滌塵埃雲山欲雨千峰暗江
水無風一鏡開錦里客從春水下金陵人逐晚潮來微軀
幸得粗康健敢望君恩及草萊

征蠻奏凱趨朝日秋晚芙蓉正著花一點峰巒眞可畫九
江烟水浩無涯然犀欲照鮫人室看菊還尋處士家織女
宮牆銀漢近海門東北是京華

撫寧
朱永

高閣千尋俯碧流插天孤柱海門秋柳疎共識陶潛徑沙
靜初雜范蠡舟躡蹻昔年猶稚子登高今日愧交遊不堪
重拭風塵眼但摘黃花醉滿頭

周禮嘉

丁孕乾

海氣隨潮至蒼茫萬物秋身安清磬外世與白雲浮草木
有天性鷹鷂獲野謀攀援自不到山徑在孤舟

鍾惺

是峰瘦而特名曰小孤宜石笋何曾蒂盆蓮祇一枝禽魚
殊所視形影共爲疑水與之周始知無可蔽虧登焉堪四
面過者不多時流峙相持處舟船未敢遲

丁鶴年

晚照千山赤寒烟一島青羈心霜下草生態水中萍黃屋
迷襄野蒼梧隔洞庭空將垂老淚洒恨到滄浪

金文

大江遙自岷山來東注寧知幾千甲孤山屹立江之濱秀
壓羣峯插天起長江風浪無時無古今人愛孤山孤風帆
浪楫日來往不假丹青眞畫圖

蔣如奇

長帆上下任西東天籟吹濤笑語中小燕凌空還貼水輕
豚舞浪亦迎風俄隨飛翠千峯度剩有撐江一柱雄相望
曲池追栗里秫田高韻許誰同

左懋第

山骨能勝水屹然莫敢爭僉之匡蓋外門戶撐神京神物
張靈吻邪者魄魂驚雲氣護石老天風激水清把劍徬徨
立揮之斷長鯨

劉覽元

只此一塊石無端生異姿清多必是瘦峭極自然奇江氣
爲雲易峰晴與月宜高深知不盡孤潔正吾師

登小孤山

孫世禎

賊棹孤山下，捫蘿躡紫巔。江濤堪浴日，砥柱易擎天。雲向衣前落，帆從鏡裏懸。故鄉何處是，煙水正茫然。

過小孤山

知府 李得陽

蒼茫烟水闊，孤障拔中流。皎月懸清夜，寒濤捲素秋。依稀辨雲樹，縹緲覺漁舟。恍惚瀟湘浦，猶疑帝子愁。

又覲還重登小孤

幾年慚曠素，此日復登臨。孤峭分吳楚，長江自古今。懸心丹闕迴，回首白雲深。多少浮生意，風前謾一吟。

小孤山漫興

孟 瑄

我憶陶彭澤，千古稱詩聖。日近小孤山，不聞有題咏。知山

喜孤子有名，乃其病相對。成莫逆，五斗羞爲令。慨焉賦歸來，適茲松菊性。後人卒不解，綵筆羣爲競。以此貶山高，以此損山勁。何如俱忘言，孤貞相迴映。我今復饒舌，自愧成優孟。須借江天風，一掃塵翳淨。

小孤夜泊

湯顯祖

小姑廟前迴夜舟，風起哀歌神女遊。灑灑落霞臙脂港，娟娟新月蛾眉洲。

小孤山

丁嘉臣

一峰不著地，獨向大江浮。突兀方知特，孤高孰可儔。崖迴千匹練，關度幾帆秋。極北風烟渺，憑虛起暮愁。

知府 江殷道

萬里波濤錦浪開
盡天孤柱移雲裁
江分九派西流合
潮挹重關東海回
神島豈宜誇玉宇
仙洲何處覓蓬萊
峰頭遙映瀟湘月
帝女還應跨鶴來

鄭日奎

何年小孤山突向中流起
亭亭百餘仞壁立四無倚
高截天之雲下蟠湖之底
石氣森孤寒草樹不敢美
吹鳥紛紛下遊軒少至止
惟餘幽蔭中一寺縮崖趾
江流自日夜此域無增毀
不謂一拳力而欲金焦比
信知天地心狂瀾須一砥
山水且復然人境今誰是

小孤山二首

歐陽鉉

拭目長江萬里寬
玉盤捧出石中山
何須別覓擎天柱
的

是東南第一觀

春日兩江水掃塵
八面風往來惟日月
作伴是蒼穹

春日遊小孤

宗元泰

石削碧芙蓉
江心第一峰
人來常覽鏡
鶴舞忽聞鐘
水抱青山小
烟粧綠樹濃
凭欄休發嘯
怕起海門龍

獨遊小孤山

中流有片石卓爾似吾徒
靜不因江動孤惟與月俱
高風誰可及傲骨自然殊
遺世能獨立巖巖一丈夫

登小孤汛

國朝王廷藩

一石中流柱孤山
不易登翻從南岸
汛却望上方僧閣勢
欹相對鐘聲度與鷹
垂堂思古戒危磴
莫言升

遊小孤山

劉曉

破浪收吳楚，驅鷺立大天。白飛湓浦月，青到玉爐烟。鐘鼓
千雲出，香燈一水懸。登樓看柳色，猶是晉時妍。

周易元

亭亭卷石砥中流，此日雲開翠色浮。劈地迴瀾翻史帙，插
天文筆紀春秋。奇身直探蛟龍窟，傲骨那堪培塿稠。遙望
陶潛門五柳，騷人有意寄瓊樓。

歐陽聯

大江東去幾千里，怪石嶙峋從水起。天下名山非不多，砥
柱狂瀾獨羨爾。

舟行望小孤山

觀察和其衷

掛帆迎曉日，極望湛清深。波涌樓臺影，雲流鐘磬音。蒼茫
迷兩岸，孤銳立千尋。遙識山僧意，憑高笑陸沉。

江流殊自在，恣意看巉巖。曉露霏山翠，明霞照鏡函。層崖
環殿閣，嵌竇挺松杉。望望輕舟近，微風送片帆。

簷宇重重闕，嵐烟冉冉濃。僧鷗汲淺岸，白鷺入深松。似隔
人間世，猶疑海上峯。金焦堪鼎足，澎浪敢希踪。

孤介如遺世，清高不受塵。植根蟠水府，竦骨上青旻。砥柱
中流峙，狂瀾一霎馴。坡詩猶戲耳，口實貽今人。

和前四韻

知府董榕

蘭橈行且避，中峙迥高深。遊鯉環莖幹，鳴鴻和梵音。凌霄
自撐柱，脫垢絕侵尋。力砥狂瀾意，千秋俯碧沉。

一拳當水面氣象亦巖巖鶴起雲飛表山形亦龍歸劍入函下有龍洞似霜遺白毳如薺是青衫恍見蓬壺近遲遲引峭帆

烏帽青螺秀雲鬢綠黛濃數竿妃子竹三尺大夫松豈蜃成空閣眞鰲戴好峯臨風綽約極姑射有遺踪

縮東西江派亭亭絕點塵北門留鎖鑰南斗切穹旻鸞鶴垂聲遠鯨魚望影馴山靈感知己不數二眉人

小孤山次韻

我昔黃河看底柱三門劍射難躋攀其柱遠望止尋丈渺無所有空巉頑今看此峰數倍彼截然樹作西江關題此動云危一柱渾忘四配東西山山西屹洞庭澗金焦東

峙京江灣大孤近在彭蠡口如皇英對蒼筤瑰鬢華螺髻尊首出巨靈掌指居中間地當江南西路界滔滔漸下多狂瀾似欲挽之莫東逝扶輿奇氣坤軸慳誰歎泣者陶與狄壁立並足劇頽屨神界躡風萬天想虞淵取日當陽還有明伯安稱後勁標格亦自高塵寰捫碑每恨鳥徑絕賡唱且玩漁舟間此也爲小孰能六眺賞莫漫愁辛艱

乾隆乙酉九月楚江俞瀚與趙石林蕭文昭張芑山

陸心源登小孤山得詩四首書於秀巖精舍

帆影投彭澤江邊十幅收終朝疑有雨寒氣不關秋攀躋山何險登臨愿已酌此間誰擊磬聲與白雲浮

莫道一卷石亭亭千仞山此江流日下如柱砥中間風擁

松濤去月招鳥影還飄然人獨立彷彿近天顏
巍峩存廟貌高聳接蒼穹燈火孤山暮靈旗落日風雄吞
三楚盡俯視九江空有客懷千古此身笑斷蓬
一任波濤險由來心不驚縣城山色繞村舍晚烟平風俗
淳無事人生間有情柴桑久寂寞酒問菊花傾

吳會川

一峰巉削矗雲間九派江流四面環漫道海門深絕險須
知砥柱有孤山

雨中登小孤山

宋 衡

彼蒼懸筆劃吳楚一柱迴瀾挾風雨大孤小孤日茫茫不
孤直與乾坤伍

秋夜登孤山

吳會川

憑高四望萬家烟白露橫江蜃氣連水底月明浮滿鏡波
間峰影倒擎天漁歌欸乃來蘆岸梵韻清冷送客船孤鶴
一聲雲矗起方知此境果然仙

重過小孤山

汪迺霖

好風幾日與山離買棹尋來覺愈奇成障雲行何處雨無
聊人讀去年詩平湖如鏡盤新髻小殿連天倒舊旗我欲
停舟重醉酒片時撫掌碧烟移

登小孤山

王子鐫

玉柱嶙峋障巨流捫蘿直上翠微幽欲分吳楚千江水故
借匡廬一片邱香篆繞峰迷永晝濤聲觸石覺深秋登臨

勝概堪圖畫遙望扁舟似泛鷗

小孤山

丁自發

吾家山水大江東

先忠諫取號茲山諫

草不隨帆影動詩思偏向石頭工

先忠諫茲山有石磴攀躋之句

潤灑潮至雲路慙懃積愫通我亦欲從天地老扶筇直上

伴先翁

丁溶

咄嗟造物怪山不與山同無伴倚天立凌空插水雄撐持
憑大力挺特仰英風攬雨九臯際潮翻沛澤隆

孤嶼濤聲

丁應鼎

一柱孤高具大觀巖巖壁立障狂瀾橫翻日月光偏閃常

吼魚龍膽亦寒湘水匯流同吐納廬峰對峙共盤桓潮迴
汐卷分吳楚獨羨海門地步寬

小孤山

何緯

一派塵埃付碧流孤山獨占海門秋巉峰插水魚龍舞怪
石鳴濤鐘鼓幽野鶴巢巖巖壁峭巨鰲盤底鎮江浮我來
快遣登臨興嘯破蒼波震斗牛

潘若騰

峭骨生來勁亭亭出水浚梵音天際語帆影日中仙野草
依人媚山禽舞自妍性靈無點染寸地亦寬然

李繼聖

環堞飛龍勢低昂衆嶺尖陵阿開一面石壁欲雙鉗景卽

秦人洞官猶晉代銜清風江上好出入雨無黏

張香

不與衆山偶峯巒插碧霄朝連豫章雨暮接武昌潮倒影
雲鬟濕凌波翠帶飄老僧拈午課清磬一聲遙

彭士望

昔日元道州曾運醉魚舫豈若茲石奇兀傲羣流上日月
與俱浴雷雨亦相盪樹無凡鳥栖檠供山僧養苦節風波
中獨立本無黨

何顯

波心突矗插奇峯鑰鎖海門第一重月色影籠凌漢樹濤
聲響徹撼山鐘撥雲撐起天邊日破浪驚飛海底龍幾度

風狂瀾欲倒長留玉柱鎮江衝

小孤山二首

饒鞏

巨靈開闢手割石立江衝水闊浮螺髻天空躍玉龍氣吞
波萬頃秀跨石雙鐘一望誰堪匹雲間五老峰

四壁峭如削江天一柱撐渾身石作骨不受怒濤驚

登小孤山

集唐

丁特

路自中峰上崎嶇不易行燈明方丈室波撼岳陽城海氣
浸南蔀秋風古北平登臨出世界因見古人情

小孤山

周監

嶙峋傑出嶂烟高秀擁龍城十萬濤低插玉鬟山石峭平
分翠浪雨花拋挑開水面波浮筆劈破江心石學刀吳楚

彭澤縣志 卷之十一
關欄誇第一北門鎖鑰羨誰豪

王文治

廿載經過處今朝始到巔窄無容足地高有礙眉天萬竹
梢雲動孤峰歷浪偏餘年縱登陟亦自具清緣

劉續

靈根深插水絕頂接天樞四面皆吾與中流正不孤

過小孤山

汪勣

突兀攔磯出孤峰扼巨流風聲生絕壁水勢入飛樓客自
三吳返烟橫一棹秋江神如有贈瓊珮付波頭

小孤梳粧亭

周世業

片石生成瘦日尖一亭峰頂貯香奩曉粧天際雲堆髻夜

櫛江心月吐蟾夾岸好山青入座浴堤嫩柳翠侵簾明明
色相皆空幻浪靜風恬裊畫簷

喻以恕

一峰江面翠如削四顧空明渺所托絕壁生苔日影寒怒
瀾當夕雷聲作昔年仙子愛梳粧今日臺高江水長帆去
帆來行不息春風遠眺發清狂

小孤山

方伯陳奉茲

秋色孤寒似不勝可憐萬古未驚崩下凝海眼知鼇斷高
放雲頭似鶴升我欲收帆謝宗慤卽時踞頂嘯孫登劍門
巫峽多奇崛依傍全空料未曾

細看卓立倍嫣然樹色僧房盡可憐楚雨散秋千里豁吳

雲橫晚一峰懸孤根急與中流浪倒影深邀過客船來自
馬當初不險願依奇秀宿風烟

孫 韶

江心突兀聳孤巒飄渺還疑月裏看絕似凌雲一枝筆夜
深橫插水精盤

舟過小孤山以風利不得泊率賦

探花 洪亮吉

我從金焦逆浪西吉陽黃石皆危磯忽驚天半落高髻目
所見者茲尤奇藐然獨立天水際奇在四邊無附麗山僧
居山五十年知有青天不知地寰中落落誰與儔只有砥
柱居河流一排濁浪一清漲河伯海若都難讐君不見天
門山亦江心柱畢竟傍人門戶住一岸子湖一壓陽縱然

離立難軒翥平生最薄樓君卿五侯威附成饋鯖朱門散
後亦潦倒低目俯首隨人行茲山峙立真吾友面面看山
舉杯酒一拳俯瞰卽東溟數點蓋頭惟北斗宮亭湖接桑
落洲明日合上尋陽樓眼中餘子尙千古一笑惟伴匡山
遊飛帆欲落仍未落風利應知不能泊香爐峰頂客復回
蠟屐應登最高閣

舟過小孤

江西 巡撫 阮 元

渺渺潯陽九派流波心清湛一峯秋獨撐江漢成孤柱遠
壓金焦在下游活翠巖邊霜葉樹淡紅山頂夕陽樓乘風
破浪尋常事但惜仙磯未泊舟

丙子九月九日登小孤山次阮中丞元韻

按察使 玉 輅

誰扼章潯雨派流孤雲一朵插千秋匡廬峯接開生面彭蠡霜高紀勝游共識狂瀾成砥柱幾人仙境到瓊樓我來偷得浮生趣好傍蒼厓一繫舟

巡道 關督 任蘭祐

千仞崇岡萬里流孤峯界破一天秋近依廬嶽窺眞面遙控潯江溯上游花爲重陽開水榭人來絕頂俯山樓從今彭蠡蒙陰遍星使他年也繫舟

江心一柱圖

劉 勰

家住江南江水邊彭郎磯畔古因緣難描出色三千里一別江聲四五年小幃誰通春後夢孤峰仍壓水中天居然

尺素風濤湧東去蒼連島嶼烟

不著丹青半點妍傳神阿堵有詩仙

圖係周駕堂給諫代覓善手指示爲之

胸中邱壑藏無數眼底須彌化大千秋雨蘆花江上路春風香草渡頭船芒鞋踏處鄉關景一望蒼茫思渺然

鐘薛曾經石上鐫雲香水翠

曾書此四字于山寫嬋娟小頂僧霞觀鐫于石

姑誰說前年嫁佳話多於後世傳千古江山繫我輩許多題詠集名賢他年袖向峰頭寺好共青天尺五懸

江心壁立擁孤峰海上關門第一重萬古乾坤眞氣節中流鎖鑰特從容吐吞吳楚蛟龍靜咫尺星辰沈瀟穰好鎮南條諸路水不生波浪去朝宗

雪作肌膚玉作神精靈棲托此蓬瀛不嫌姑或都稱小孰

說郎原是姓彭天上笙簫應有伴人間鸞鳳本無情東坡
底事閒談笑千古江流洗不清

題劉東橋徽江心一柱圖

尚書紀昀

誰寫孤山入畫圖亭亭翠色落平湖天然獨立佳人影何
必青溪問小姑

木葉零時水欲波白銀盤裏見青螺何人更寫君山照爲
問娉婷勝幾多

御史張問陶

神山縹緲似方壺水滿潯陽看小姑畫裏鄉心增沒遠虛
舟我亦夢江湖

司業辛紹業

盪舟彭蠡湖撥棹心神轉烟鬟當面來良覲原平等平生
慕小姑緣分宜非淺經過山下風却顧山頭遠咫尺辭蓬
瀛弱水迴難免豈不懷登臨天仙留不肯妙有冰雪人揮
毫工清染瀟然塵外姿千尺波心展勢將窮日夕臥對誰
能捲

給事中周厚輟

小孤山踞彭澤東上游下游之當中挹注彭蠡泄江漢吐
納日月闢魚龍高不百尺頂圓銳冠以多樹烟蒙龍其趾
延袤石散卓有穴瀕洞聲含洪峻嶒凸凹自骨立面背側
卸俱成峰距南北岸劃都會一襟帶水交艤艫曩會作客
蠟屐屐此焉小憩支瘦筇眼界放爭天地大脚踏踏笑波

灣鬆金焦雨點若顧盼咫尺十里流能通大孤招邀一程
耳彎彎眉黛誰爲容兩孤孤立非姑譬好事者說吾不從
曉氣翕騰林隼霧夜深恠吼江豚風舟人懼退漁人樂客
子叱咤居民聾人生有情各異態江月不礙終懸空解元
詞人會心好指揮顧陸描摹工我詩非詩亦畫匹搖筆切
近青芙蓉鄉關塵淨山靈迓挂帆一去春濛濛

知府方體

叱石飛來倒插根下臨無地一拳蹲盤空磴道穿山腹絕
頂風雲鎖洞門霧隱江船沙樹澹花濃春寺水香温小山
孤立如虫臂遮護東南半壁存

小孤山

汪禮耕

家傍孤山帶水間盟鷗狎鴨本幽閒壯心忽縱雲霄外破
浪先衝第一關

小孤山秋眺

王觀曜

青鞵何事小孤遊此地偏宜天地秋經閣晚江明似鏡妝
亭新月細如鉤斷鴻都入衡陽畫落葉初兼漢水流憑眺
幾回多逸興忘機那解向沙鷗
斗峭中流一柱孤巍然樓閣撫江湖洞庭波送千帆下楚
國天迴兩岸紆宜與陶公傾菊酒况逢張椽憶蓴鱸少焉
月出忘歸棹如此青山豈負吾

澎浪磯阻風

宋范成大

浦口藏舟尋丈慳篙師抱膝朝暮間逆風來從水府廟濁

浪欲碎小孤山太白猶高缺蟾墮長江未盡歸鬢斑短歌
聊復怨行路當有聽者洞朱顏

彭浪磯

元昊 澄

絕壁孤峰已是奇彭浪對立儼相持海門第一關如此山
峽幾多人未知

萬歷甲午都水使者晉江王三陽乾開父督蓋於此
江州從事石應巖同登立石

一卷獨插蘆花津鑿斷崑崙半未眞萬里雲根分海若干
年香火指江神崖亭屈曲看都水石骨登題到舊人峯小
若從評品格嶢巖勁第一孤臣

彭浪磯

明 夏寅

虎牙澎浪石鐵柱小孤山江漢朝宗道東南第一關

凌 紀

石磯竝立當海門驚濤澎湃翻雲根長江一瀉一千里雷
驚電激無朝昏移舟昔向磯頭泊山風夜吼波濤惡江空
倒浸北斗寒蓬窗一派銀河落何當一日風波平安然直
向中流行

侯于助

鐵柱當關立相傳是海門只今石出處猶有舊潮痕

周宏祖

獨坐孤山最上頭客舟風雨幾時休狂波聲撼蛟龍窟遠
樹雲迷杜若洲出水芙蓉浮晚翠沉江鐵柱枕中流相知

黃清野詩 卷之十四
頗有追陪與裁罷新詩當酒籌

和韻

張磐

波心孤嶼接雲頭，澎浪探奇興未休。
足踏寶蓮鏡上，乘手扶文筆柱中。
洲瓊花瑤草三春色，碧漢清湘萬里流。
今古登臨宗侶和，揮毫何幸借前籌。

坐都山亭

孫世禎

江樹靜朝暉，虛亭坐翠微。
水光浮客棹，山色上人衣。
撫景神俱曠，看雲思欲飛。
塵心消已盡，何意葉輕肥。

方湖漁唱

周易象

浩淼一湖水，生涯半是漁。
開罾風細細，撒網月疎疎。
曲子度沽酒，歌兒唱打魚。
瀟湘欸乃綠，借入嘯餘書。

十里方湖一鏡天，泛來上下渾悠然。
蘆花葉可爲笻笛，雁語音堪替綵絃。
撒網幾教旋鼓柁，得魚正羨忍忘筌。
清風作板呼明月，欸乃無端不繫船。

丁應鼎

爲乘秋色盪輕舟，舟比汀鷗一樣遊。
湖水鏡中行，路險雲山畫裏故人愁。
夜深深漁火紅，猶冷霜老人衣白。
欲浮不信年年渾是客，歸來歸去月盈頭。

周瑞

玉洞仙真

周易象

不信壺嶠近，生成別一天。
有聲泉作雨，無漏石爲田。
採藥知何代，觀棊在卞年。
碧流丹嶂裏，宛爾話期倏。

玉壺洞

失名

洞前流水碧如苔，洞口桃花拂面開。
轉頭望斷意不斷，長嘯一聲須再來。

失名

十里扶筇秉燭遊，信知仙洞異凡流。
我來不忍回頭去，恐墜西山紅日頭。

夢遊仙真巖

劉曉

昨夢捫蘿登峭岬，洞天別豁暢奇哉。
丹爐明滅薪傳火，畫壁依稀翠點苔。
兩個蒼龐定奕局，幾行霓羽絢瑤階。
覺時莫辨身爲我，疑在雲端未下來。

仙真巖漫興

何顯

仙境何處覓，僻壤豁奇觀。
玲空懸半壁，怪石吐青蓮。
洞中復有洞，窈杳闐風烟。
清泉石上流，洞口白雲閒。
深巖何迥絕，我輩相往還。
或云鳴得意，我獨生長嘆。
形勝原無定，地每藉人傳。
不逢嚴子陵，誰識七里灘。
虎溪無三笑，瀑水空潺湲。
望古思人傑，地靈亦何權。
仙境連都邑，知必挽高賢。
奈何生荒谷，徒作等閒看。
我來尋奇勝，另有輕軒四顧。
邑中景韻頗，惟孤山此破頑。
石竅彼挽旣，倒瀾書巖并潛。
玉相對分靈，頑咄哉誰評。
章此景不入編，奇尤成寂寞。
冥予欲發幽緘，須臾方就臥。
山靈揖我前，謂君胡激昂。
闢浚予自安，我有屠龍技。
何妨困汗漫，我抱和氏璞。
何須哭荆山，物苦無其質。
知希我何慚，君不見廬阜有誰尋。
竹影又不

見漁郎無處覓桃源我聞此語心重釋醒後自覺顏爲赤
愧予猶是爲名心歸真返璞讓山靈披襟徘徊巖之陰長
歌踏去意氣平

放脚呼風到仙巖蒼苔踏破洞中天揮毫酌殺元暉酒我
欲雲端抱月眠

仙真巖

何邦準

幾度仙巖掛斗牛同人攜我快重遊洞中形勝舊時景望
外烟林別樣秋爽籟於今聲寂寂白雲自古去悠悠此間
明有神仙路何事須彌問石頭

周煥奎

尋幽選勝到層巒石罅宏開眼放寬蓮噴瓊漿馨浙浙桃

迷芳徑影珊珊非關避俗依然靜任是趨爻此獨寒想必
真人胎息處仙璫長徹五雲端

楊振

一片玲瓏石芙蓉削不成垂空時作雨入寺渾忘晴上界
煙霞接諸天歲月更紅塵難得到棲息託蓬瀛

石蓮

柯友桐

仙人曾此鍊金砂灼灼紅爐飛紫霞丹氣不隨雲氣散巖
頭都結碧蓮花

石筍

石髓溜來不計年結成玉筍掛巖巔竹枝敲損琳瑯墜疑
是龍珠落耳邊

石鼓

天然形制出仙家未許人間俗于颺敲徹蜀桐飛鶴下一聲清響在烟霞

石磬

奇形磊落韻琤琤疑自神仙琢鑄成拊擊一聲山月曉彩鸞文鳳一時鳴

八景全詠

歐陽際會

讀書巖下草芊芊門立雙峯別一天不釣仁磯江上月肯聽漁唱畫中船霞流石閣簷花管霧繞濤箋帶柳烟砥柱狂瀾千古在何須玉洞挾飛仙

丁焯

雪積雙峯景若何插天瑤柱涌銀波不殊柳岸烟光滿更似仁磯月色多巖翠紛披冰練綺閣霞掩映粉顏醜謾云漁逐方湖浪玉洞遊仙衣素羅

劉遇

玉洞仙壺漏不收雙峯撐破楚天秋雲間白閣觀音現盤裏青螺一柱浮我愛書巖勤夜讀誰栽春柳傍江流西風釣罷仁磯月欸乃方湖唱未休

仁磯釣罷繫孤舟渺渺方湖水鏡浮天外雙峯扶寶劍波心一柱湧經樓書巖有跡千年古玉洞無人六月秋徙倚觀音高閣外誰栽春柳占芳洲

過馬當

唐徐凝

風波隱隱石蒼蒼送客靈鴉拂去檣三月盡頭雲葉秀小
姑新着好衣裳

宋晁補之

從祖昔爲州別駕上書常欲徑橫陽乘危更覺思遺跡慚
媿篙師過馬當

馬當夾阻風

孔平仲

蒿田荻野無人烟我來日暮雙繫船半夜星斗垂闌干銀
河倒景搖青川人言神物當會合鐵纜纏繞安如山五更
洶洶有聲至車騎蹠踏乾坤翻怒雷殷殷雨隨下黑風三
日不見天此中道路多險惡正在馬當小孤之兩間三江
五湖所鍾聚直下無底旁無邊掀騰擺觸作意氣更無拘

東隨所便巨礮突若虎頭出黃沙莽作車輪旋端居不動
尙股栗誰敢身試蛟龍淵白吾汎洛陟淮泗間關淫滯今
半年廬山翠色已在目毋庸急進干憂患不如宿留會澄
霽淹遲有數非偶然筍中酒熟聊一醉春夢酣酣牽晝眠
魯望亭有懷

黃庭堅

笠澤道人高古文章白髮蕭條欲問勒銘遺墨應書水府
鮫綰

馬當淤阻風居人云非五日或七日風不止謂之重

陽信

范成大

拍岸回流逆上磯枯楊折葦靜相依趑躅漁子晨爭渡賽
廟商人晚醉歸重九信來風未怒大千行徧昨俱非羈愁

萬斛從頭數帶眼今秋又減圍

放舟風復不順再泊馬當對岸夾中馬當水府卽小
說所載神助王勃一席清風處也戲題兩絕

禁江上口柏山東三日荒寒繫短篷却憶官亭湖裏去隨
人南北解分風

萬里江隨倦客東馬當山嘴勒孤蓬無才解賦珠簾雨誰
肯相賒一席風

馬當山

元芽元儀

切玉俱留半斜柯獨吐芽江長山有變怪壁揖平沙

明會省吾

山形半江出潮勢去來紆阻岸橫雲氣傾崖逼水區空洲

寒戍廢石壁暮禽呼楚客南歸急神風送有無

戴鳳翔

一棹經秋萬里清馬當如夾浪花平峰危漸覺家山異石
險常教宿鷺驚且愧簿書將入政誰憐萍梗度浮生得陽
矯首樓臺近暫慰悠悠行路情

馬當大風

劉鐸

倒峽羣龍鬪騰空萬馬嘶江神遣巨浪索我笈中詩

馬當山

李常

一石巍巍山盡頭截然中斷枕江流帝都南望纔千里萬
國朝宗此挽舟

馬當磯

國朝賦
陽欽崇

險浪輕帆礙上游水高三尺過磯頭濤聲東下山遮斷收
盡西江萬頃流

王原

山險有太行水險有呂梁戒心天隨銘兼之惟馬當江外
苞千山銜尾鞭羣羊茲山大如馬信足趨洗洋江深多洞
洑激迅起且僵三洲殺其勢避走猶羊腸無風阻牽挽風
健虞披猖深涉儻爲亂敵仄須周防今朝風色正挂席何
堂堂擊汰恣流覽緩轡行康莊古諺詫神助語或非荒唐

馬當帆影

劉曉

今古稱奇險山川迥不同落霞成絕調秋水更無窮別境
江流外餘音夜月中從來天下事只在一帆風

舟過馬當二首

袁學謨

扁舟夜靜浪聲稀漁火層層湛露晞輾轉寒衾思 魏闕
溯洄流水上京畿觀潮已放孤山棹履險曾經馬當磯頓
有一天明月曉小星徐傍紫微飛

仰望天高北極輝慶雲見處數峯巍心懸紫閣聞雞起夢
冷孤舟帶月歸漫道子安由馬當何庸太白怨牛磯雲山
萬疊休言遠一日風帆去似飛

舟泊馬當追懷王子安

桐山張香

推篷遙見馬當青水態雲容客思醒愛士祇今誰地主憐
才終古讓山靈半帆我亦來南浦一序君偏動廣延箋誦
殘霞孤鷺句烟波渺渺怨飄零

馬當

張京萃

峰巒如組舞奇峭峙江天老鸛巢危磴輕鷗逐渡船水瀏
帆影疾波涌柁知權願借神風助長吟秋水篇

馬當有懷湖南親友

曾 晄

早魃驅雷港奔濤激馬當江喧秋氣早水宿火雲長島嶼
吹零雨魚龍混夕陽萬山迎棹入憶遠不歸鄉

過馬當

段 續

水抱垂楊屋橋平軟草湖不知風便客都過馬當無

臙脂夾阻風

李 紱

五日南風吹獵獵怒帆疾走臙脂夾小姑遙望青髻螺一
夕回風故相狎浪頭如屋高崔嵬橫江大艫不敢開野戍

蕭條兩茅屋波濤徹夜喧晴雷渺渺彭郎問鄉里霧閣雲
窗畫相倚已取宮亭作妝鑑却沈殘紅漲江水好山塞外
誇燕支景陽宮井埋妖姿山川名字亦何有靈風閃風空
然疑平生縱跡江湖遍帆橋轉眼如飛電此中却憶廿年
遊今日翻爲三宿戀披衣起看朝陽紅兩厓醉壓春融融
回頭一笑失彭澤長江萬里磨青銅

鳳凰山

劉 曉

鳳凰山色疊秋屏飄渺青冥江水濱石瘦不嫌明月冷峰
高惟與白雲親朝暉遠映千家曉爽氣紛披萬象新氤氳
一天隨變幻亂啼花鳥亦爲春

鏡子山

楊 誠

青天秀削菱花粧萬古空濛落照忙光並冰壺籠曉月清
呈玉鑑挾秋霜飛檣影射來還往過鳥魂驚低復昂物色
到今無限景晴光不老海天長

往潯雨阻鏡子山

凌應治

擬尋陶白泛漁舟欲洗詩腸恰雨留驟瀑驚翻彭蠡雪重
雲深鎖鏡山樓漫云檣滑難施棹且喜田膏飽飯牛遙望
柴桑梅正熟呼朋煮酒慰心愁

鏡子山

王璽

臨江峭壁破天曉揭粧臺寶鏡圓不老光磨秋夜雨長
空浚掃暮春烟帆飛蕩漾時留影鳥舞蹁躚幾鬪妍如許
輕塵塵不染高輝直逼斗牛懸

峯山磯

汪禮耕

孤阜臨江畔磯深浪捲沙風帆多曲折檣燕半橫斜雨綠
山頭篠春紅石上花幾回思往事遠樹暮雲遮

鳴山

明王演疇

層嶂青相合村居此更深花分濃淡色鳥作短長吟倚石
聽溪水尋僧過竹林悠悠入世事已不入閒心

鳴山庄居

國朝周易象

敢將詩酒學陶公其奈溪山不厭儂纔倚繩床聞石溜忽
開蓬戶見雲峰桑麻共宿尋生計風雨隨人作藥籠此際
閒愁如不掃古人清興與誰同

鳴山卽事

何圖書

彭澤縣志 卷之十
幾歲鳴山路登臨復曠然春嵐生石壁早雨足山田扶杖
寧辭老談經不礙禪同人如解意一笑破蒼烟

遊鳴山

時價沽

山空谷應響悠悠鳥語溪邊澗水流苔上有花方笑日洞
中無樹不鳴秋烹茶坐久松風細覽秀行遲竹逕幽問道
文峯誰是王老僧遙指白雲頭

石壁鳴山

丁燁

山山皆靜寂此曷以鳴傳歧鳳曾啼岫牙琴昔操巔金風
吹落木空谷應流泉是同嵩祝聖三呼帝萬年

大鳴山

柯友桐

翠微深處坐網緼一縷名香手自焚洗石烟塵山外雨豁

人心目嶺頭雲澗低每聽泉聲細峰秀時間草氣芬鎮日
幽閒人不到惟餘清磬與桐君

何顯

奇峯高插白雲低習習涼風飄我衣踏破薛苔驚石瘦望
迷嵒嶼帶烟肥嶺頭呼吸星辰動石上留題墨跡微

有明邑人

寓石壁山

王應昌

半嶺松濤設衡門夏日涼戶高雲隱几山近綠鋪床淺泌
來鳧逸遲紅惹蝶忙晝長人易倦風送芰荷香

大鳴山雙井

方軫

獨石出山麓山泉開兩泓隆然一準直夾以雙瞳清竹木

倒葱蒨地幽境愈瑩僧房處其前日給瓶與覓挹之既不
竭蓄焉亦不盈源裕出以時深畜體自平對此重徘徊朗
然見空明可以濯我纓可以滌我神

又

東井日攜瓶西井置若空東西亦咫尺通室迥不同地脉
豈其異此理殊易通造物本無盡攜取自不窮人力實壅
棄安恃天之工吾身有聰明日澹日以充一朝自隳廢頓
近昧與聾睹此清冷源豁然開愚衷

遊鳴山古寺

何瑾

秋風獵獵自西來薜捲青黃繡一堆曳杖迂行留鴈影提
壺爛醉臥莓苔寺藏山色千年秀詩溢波瀾七步裁屢體

未曾緣石磴追隨有恨日低回

白龍巖

劉浚

漫說飛仙海上遊得心何必別尋幽白巖瑤島千年雪冷
寢冰壺六月秋怪石迎風來嘯虎高藤捲木起蒼虬石床
獨坐渾無事閒看孤雲白去留

魯雲尖

劉肇敏

地本是荆楚峯胡以魯名飛來到此處不假天削成

寶珠山

凌應台

崑岡有良玉千載重其名何此山一片稱名與之鄰沉沉
烟樹綠湛湛水波清巉巖留古貌深邃足幽心取路樵子
徑巢鳥了無驚細壑渾如夜投石作金聲傳有仙人跡剖

璞謝斧斤探之飄然去去留奚所爭所期高卓在不貪良
足欽豈曰空手回種種明珠活處來

浩山

凌應治

曲徑行行卽浩巔因高極目萬山前霧橫空谷響浮水雲
過高峯樹起烟坐聽溪聲銀漢近跋看峭壁石舟懸歸來
竟作華陰想願入豐林臥石眠

登大浩山

凌該

一峰海上來盤屈踞萬里挺險走遍東南區森然突兀摩
空起醉中大叫披窮源振衣直上崑崙巔巖截徑塞斷
石猛獸奇鬼怒削稱青天雲中隱約見村落絕嶺豁曠開
平田舉頭霄漢勢欲近千山萬山浪疊羅峰前作雲忽不

雲形狀不可數無雲峰欲晴有雲峰欲雨應有行雲行雨
人來往虛空人不覩西南瀑布翻驚沙飛巖怒吼頓銀蛇
長虹白晝忽飲澗天風暝晦吹霜花雨峽擘屹十萬仞雜
樹顛倒生槎枒暗谷幽林隱荒院鐘鼓無聲悄虛殿夜深
風雨龍虎吟山魃木客時隱見山僧招我菩提樓葡萄綠
泛金罍厄狂呼一飲二千石耳邊惟聞清猿啼佇立白雲
巔羣鷲在天上我更覺天高欲上猶瞻望安得青雲百尺
梯登天一覽元黃萬變之情狀

浩嶺雲峰

周九成

仙跡生成老樹遮其如室邇已人退朝雲冉冉飛丹井夜
雨瀟瀟洗鎖鑰溪曲忽迷漁父棹山深應返武陵槎幾回

攜杖登高望坐看烟嵐處處斜

正覺寺

宋曾季狸

正覺江邊寺風烟晝然庭羅合抱柏門泊釣魚船暮雨
涼初過中秋月正圓無人來共賞獨自占江天

普明寺

明凌杞

鳳凰山下梵王家金碧樓臺護紫霞重覓西風舊時跡滿
階香雨落天花

馮希武

春雨入牕蘭若清風一榻松關世事溪頭綠水禪心江上
青山

何陽

綠水數間精舍白雲一片可山龍去峰頭雨霽鳥啼花底
春閑

定安寺

國朝劉續

道傍結屋山之麓不遠紛華不避俗紅塵堆裏一招提何
必深山與窮谷松蓋層層鶴夢清石床冷冷僧睡足嘗言
佛不在西天佛卽是心心是佛

夜雨歸寺

僧松石

幾整肩囊別異鄉無情風雨阻行裝客身耐冷緇衣薄旅
夢幽棲枕簟涼白水滔滔流太急青山黯黯路何長陰晴
未卜知明日恨殺茅簷濕滿床

峰林山勝蹟庵

劉覽元

落葉滿前路移第獨有聲新晴寒鳥出空翠數峯生茗語
泉同浚禪心磬共清竹溪松塢近選勝任閒行

甘露庵

楊拱泰

菴垂甘露幾經年疆劃都彭兩邑連

彭澤都昌兩邑分界

雲鎖檻橋

封佛剎水通廚鉢瀉民田半山踰去疑無路數里行來別
有天自是禪關最勝處胡麻一飯足仙眠

楊植

密谷一徑危螺旋向甘露有菴松擁雲抱山長帶雨香積
接原泉時堪滌塵腐禪磬數聲清俗慮歸何許

鳴山古剎

周易象

山際疑天際寒生六月中泉流穿密竹僧定伴疎桐苔蘚

晉人碣雲烟漢代鐘最宜秋後影亂點一村紅

宿雲庵

宗元泰

山僧懶似雲不肯出山谷雲更懶於僧長在庵中宿

凌龍

叩禪禪住白雲窩翠繞青圍詩料多犬吠花陰知客到爐
烟飛篆煮松蘿

悟靈庵

凌應治

白雲堆裏一聲鐘喚起行人問路踪愈入愈知幽境好轉
深轉覺雅懷濃朝陽鳳啄門前竹帶雨龍吟嶺上松山水
有情供寄眈溪邊莫遣綠苔封

悟靈庵樓下龍泉

丁春

聽說招提望鬱林羣峰飛落碧泉深天花碎灑晴偏雨地
脉潛通早亦霖味入冰壺邀月飲韻敲金石湊詩吟何時
側聽經壇講伴結龍翁活潑心

石壁鳴山庵借讀僧舍

何儻

心身安處卽吾廬一識盤阿且定居有感勞人中夜酒無
端役我半床書鳴喬出谷象看鳥學草臨池墨飽魚尋得
箇中清意味油油緣督最紆餘

大鳴山庵

勝蹟頻經風雨侵還留斷碣足幽尋逃禪徒倚長聲佛志
士豫遊正惜陰花鳥點裝青海色文章緣感綠苔吟千門
徒媿吹竽拙載陟高岡理舊琴

紗帽沿邊髮垢侵黃巖老衲那生尋獨憐周子弄風月誰
爲郇侯覓雨陰瑞速火烏胎往復翰飛華藻點行吟猶忻
寂境饒聲色巖上畫圖洞底琴

宿石壁鳴山庵

何緯

白雲一榻同僧宿清風颭颭暗敲竹夜靜石壁響流泉疑
有雷車鞭空谷鞭空谷枕上夢回睡未足况復虎嘯雜鳥
啼晨鐘曉徹心頭佛等閒披襟日影寒長嘯一聲山溪綠

西山庵

朱陵臺

長沙血食翠雲巒雲翠峯巒擁大觀石磴風前敲碧滑泉
峰雨後溜清湍松濤夜送千山響花氣晴薰二月天囑咐
東風還有客且教春色莫闌跚

五龍庵

歐明泗

絕嶺鐘聲喚五龍飛泉翠竹韻高春蒲團坐破香爐盡剩
有山雲掛碧松

鷹窠菴

劉俊

鑿石穿雲構一亭高天星斗掛疎楹遙岑古木和烟老邃
谷寒泉帶雨聲

廣福寺

王心約

性僻耽幽境尋芳到上亭錫飛丹井白松偃梵宮青故客
夢中語疎鐘醒後聞九龍如可訪相與共談經

文孝宮

丁春

蕭梁起建康青宮富才藻擢古集徐劉藝圃肆蒐討手編

七代書文選光梨棗仁孝根性生聰明資博考古稱儲貳
賢翩翩更清矯胡爲感蠟鷺中心疾如禱謝表力疾書儼
笙吹蓬島遺惠在吾鄉甘霖應祈禱作廟倚鳳山高齋配
食少雷公去思祠故址餘荒草移主祀同龕歲時薦行潦
以此配享公臭味芝蘭好悠悠望古人清風滿懷抱

鎮靈庵

歐汝顯

白雲深鎖鎮靈庵藹竹青松合有三遠眺長江飛縷白依
然襟帶束東南

歐正亨

問山意如何以靜而鎮躁巨靈手自開負鼻儼天造菴空
老僧眠風月渾相告薄林竹與松清瘦偏兀冪烟連嶺下

村塵埃淨如掃放眼會真如雲霞供笑傲

歐懋泗

鎮雲高聳碧天頭四面烟霞一望收簾外青山山外樹湖
中綠水水中舟風鼓瘦竹寒侵戶月冷蒼松影繞樓最是
山僧通妙處時時長與白雲遊

北隴庵

劉堂

地僻紅塵斷同人到梵林洗花朝雨歇護竹夜雲深鉢湛
龍常臥松虛鶴自吟此間清淨意不用向僧尋

饒鞏

結室山之麓山幽路亦曲更無車馬喧惟有風敲竹

北龍庵迴文

凌應治

幽僧伴鶴宿雲間寂寂禪堂靜對山流水送香花落洞暖
風噓翠竹環關甌盈碧露和烟篆衲補紅霞染袖斑留客
共談經入妙悠然自覺夙心閒

遊北隴庵和韻

劉文

不着登山屐焉知有北隴樹深青罩岫泉落水鳴鐘石峭
遊人路花裝老衲容步塵今有約入夏許相逢

舜天庵

饒盈

緩步崇林思渺然青環古岫綠環川霞輝石壁珠簾映錦
燦金盆寶鑑懸竹影蕭疎噓晚翠松陰披拂霽朝烟忘機
得共山僧語一榻風清樂舜天

集福寺

歐正亨

鷺嶺飛來卓錫住唐闢叢林開金鑄松竹翳翳萬古春福
果揚枝集如數平鋪遙望幾家家一塢一村一徑花樓高
曉揖青山入湖天烟水上袈裟過眼何能留逝者滿爐香
燼蒲團下清風明月性裏天那須傳經說白馬笠西白馬
自南遊了却牽連偈尼牟不夜長明燈一盞透出禪心破
被收

凌汝綿

倚山集福寺清韻絕紅塵竹密疑無暑林深別有春碣存
唐氏篆僧是晉時人兩度參禪悟悠然見性真

竹莊山居

丁自發

青青勁節籠窗紗日薄層林影欲斜未到籬邊霜後菊先

開園內雨前茶淡敲个字詩情老醉舞千行墨艷奢獨坐
笑彈人不識菘筠深處是農家

登百步樓

劉曉

捫蘿梯百步苔色滿衣襟雲疊千巖繡溪流一澗琴磬聲
驚鳥夢竹響空人心只此成幽絕登臨直至今

集賢亭迴文

丁焯

賢羣晤對把情怡兀突亭撐並石奇筵肆主豪賓縱酒句
敲花落葉催詩翩翻舞竹青垂壁倚徒香芹綠滿池天普
暖風春煨爛妍生四座噴蘭芝

魚池書屋

凌鍾繼

波光激灑映山光傑閣玲瓏水一方魚影冰壺翔畫棟鳥

穿綠浪下銀塘筆花爛共春葩艷墨氣濃分書帶香欲識
貽謀無限量青雲世業在縹緗

題雪心橋

劉日省

君不聞孟女哭夫城崩裂千古芳名因城得如何此橋名
雪心雪心名橋應有說我來橋上問根由一時佳話詳巔
末當日羅敷失所天柏舟共矢共姜節廣施善願渡迷津
待雪心懷橋因設遂將此意名此橋借取一泓清皎潔未
來應慮雪心難過去方知心已雪至今人往水空流畢竟
礪消人不滅可憐世上幾多人可憐能有幾個烈長此悠
悠禱上行長此悠悠橋下歇誰人來不由斯橋誰敢橋邊
照顏色

三笑亭

凌龍

社結當年道味融蓮香引透一亭風橋邊寺唱溪成虎竹
下僧呼杖是龍一笑機忘雲盡外聯吟詩暢酒瓢中穆然
想入千山月安得攜樽造上峰

凌鳳

虎溪遁跡有高僧三十年來道念澄風月一亭禪作主詩
詞聯席酒呼朋老僧久耐交情古名菊新催醉興乘送客
那知橋已度浩然一笑問東林

仙人洞

喻良

羨此仙人洞開闢是何年張鳳曾留記水月應壺天

周監

疑是火山窟還成風月高夕烟峰外墮秋雨鏡中磨笛弄
桓伊小笙吹子晉多盤桓經幾刻蒼茫已爛柯

周中規

不是桃源別有天神工鬼琢幾經年半簾春雨垂朝露一
縷秋聲走暮烟鐵笛已隨仙載去山雲猶共鳥飛還長壺
水月應無際搔首峰高岸石懸

周懋旂

胡然向我笑闢異獨稱雄倩雲封罅漏呼月透玲瓏飛仙
還冉冉妙手自空空憑眺忘今古棲霞望遠鴻

遊黃漿洞

戴春龍

不到層巒上安知洞有天晴雲添象跡暖日長蛟涎佛地

鶯花笑靈巖竹樹懸我來香阜靜龍迢抱珠眠

觀音閣雪佛

歐懋昶

北郭之外抱郭山秀對海門第一關山寂寂兮石迴環膝
六將軍學魯般萬里彤雲飄淡蕩雪花飛落層巖上片片
輕盈玉作堆倏爾裝成觀音像光搖銀海何鮮妍夜深頂
上舍利放飛輦告厥成人工補天工鐘磬乍響萬籟空爐
香縹緲一縷通篆破柳烟杳濛濛

觀音洞

集唐

楊植

大士生天竺

沈佺期

凌空愛沈寥

徐遜

香花三洞啓

韋渠牟

梵鐸

五天遙

張喬

徑隱千重石

杜甫

虹飛百尺橋

陳子昂

拂琴鋪野席

徐晶

戀賞未還鑣

李嶠

石扇騰盤輪橫雲以爲峻風雨相倚薄日星互蝕孕其陰
塞萬峰其陽勢開掙中穴混沌開九陰破奇勝顛倒現慈
容如涉普陀境欲下任梯雲旁穿搜不竟幽探廢蘭膏鬼
物怖陰覺咫尺氣象移懽懽嗟倏瞬由來誇洞天選幽更

誰遜

重九日登西山

王榛

羣山四面鎖江城最喜西山雨後晴候是題糕開葉落人
惟泛酒怯寒生秋容澹蕩烟村闕日脚蒼茫古木平千載
風流推落帽何煩握筆寫新聲

帶水庵題壁

劉韻

古刹荒山冷何年錫杖依板橋流水去松蓋落花飛孰說
經三藏長留帶一圍老僧差不俗時掃白雲屏

偕友人遊帶水庵

劉黼

雲鎖精藍萬劫悠馬鞍山下梵宮幽松陰貝葉菩提樹月
透禪關明鏡樓活水環流僧洗鉢長橋怯渡客撐舟晨鐘
暮鼓烟霞裏過柱何須訪十洲

懷社中諸子詩

有小引

王演疇

跡浮宦海指滿歲星梁閨月色盈盈恍疑瞻對社底風
期渺渺終阻晤言未展先憂已乖聚樂抵掌爭傳逐鹿
冥心欲託飛鴻蓋神憊囂喧游興倦於方朔思躄元寂
邈懷轉向惠施縱談肝胆之時盡徹形骸之障河懸唇

頰斗燦楮毫膠連漆以僭堅范共蘭而投臭奈何芳晨
易擲遂爾勝會不常五夜雞聲腸斷聯床風雨千山霽
色望迷故國松筠當惠州一老秀才何事不了念匡廬
半生知己無日能忘爰命管城紀懷記室青雲待爾佇
看霄漢之馳白社憐予豫訂歲寒之約恭疏短引載矢
浩歌

結社借諸子風期盡合簪曾開徵士宅亦做祇陀林塵揮
飛玉屑筆落錯球琳爽藉西山送勝從東郭尋觀山憑阮
屐聽水得牙琴共掬泉爲玉爭探柳是金戴天思煉石瞻
雲悟作霖抵掌中原罷關情窗下琴龍光時炯炯驥足每
駿駁屈指初年別驚心一紀臨藐矣河山色楚然空谷音

更聞鶯出谷猶多鶴在陰死生旣已異愁絕固然禁冀北
擬歸宿周南嘆滯淫未須論早暮各自有浮沉仍駘八股
癖不管二毛侵季鷹思去晉司馬尙居潯涉世機絲淺還
山趣味深山靈情縹緲人說氣蕭森石竹芟爲杖巖花插
作簪相看返初服猶喜濯塵襟脫風霜苦蛩甘歲晚吟
爾無遺下體我特寄遐心巨魚縱大壑倦鳥還故林倏忽
異趨操飽滿各自斟今者徒懷昔來者復如今君去予歸
路循環歎商參

九忠詩

洪惟幹元

三十年來水清士依稀吾里晉陶公囊中不蘊新封物善
學淵明只樸忠

彈丸數里桐難理民空庫空篋亦空糗糧先盡東征去誰
復瞿瞿鑿樸忠

斗城日日望東風乞師四境竟成空父子祖孫兩地絕他
爲孝子我爲忠

世修降表非難事家學津津誦皓公二十八年羶不冷一
遲一速總爲忠

青蚨不愛愛裁鴻積有奇書今散空累帙連篇都忘却寥
寥記得一篇忠

寸兵莫借賺營中冠裳危坐任加鋒呼籲知難通帝座魂
飛萬里只孤忠

報主時懷召杜風何期蕞爾遭離窮此日捐軀吾應爾兩

僕何烈一死忠

碧血誓濺垂叢地殘魂豈能叩九重自慙民社殊無補區
區自靖只此忠

爾祖世承元師秩曷爲肆逆廢前功無辜黎庶休殘殺聊
以此語効吾忠

乾隆甲子年邑侯李介石修城工竣誌喜

國朝 歐陽聯

山環水繞舊時城忽覩垣墉一色更百里歡呼歌鞏固萬
民醉舞慶昇平芳徽遠紹三賢跡遺澤長留五柳名紀錄
不知凡幾次我侯特簡有先聲

彭澤縣志 卷之十四 詩

彭澤縣志

卷之十四 詩

齒

國朝 趙樹勳

薄劉甲午平呂劍李介正彭楚工楚橋喜

以世籍後吾忠

爾斯世承天雨殊甚為舉並甄前世無辜寒煎村級發輝

國自敵只此忠

譽益營鄉在策賦級版豈誰叩此重自漣只城

贊同為一派忠

